

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u vezi sa članom 43. stav (1) i (4) i članom 52. stav (1) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 139. sjednici, održanoj 31.07.2026. godine, d o n o s i

O D L U K U

**o usvajanju Programa utroška namjenskih sredstava prikupljenih od naknade za zakup sportsko-privrednih lovišta za 2026. godinu
(„Tekući transfer udruženjima od zakupa korištenja sportsko-privrednih lovišta“ - Izvor 30)**

Član 1. (Predmet)

Usvaja se Program utroška namjenskih sredstava prikupljenih od naknade za zakup sportsko-privrednih lovišta za 2026. godinu, u razdjelu 23, Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 25/24 i 5/26), ekonomski kod 614300 NAC903, pozicija „Tekući transfer udruženjima od zakupa korištenja sportsko-privrednih lovišta“- Izvor 30, u iznosu od 38.000,00 KM (slovima: tridesetosamhiljada i 00/100 konvertibilnih maraka) i čini sastavni dio ove odluke.

Član 2. (Način realizacije)

Sredstva planirana ovim Programom utroška namjenskih sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom periodu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3. (Realizacija Odluke)

Za realizaciju ove odluke zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-14823/26
Datum, 31.07.2026. godine
Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**



**PROGRAM UTROŠKA NAMJENSKIH SREDSTAVA
PRIKUPLJENIH OD NAKNADE ZA ZAKUP
SPORTSKO-PRIVREDNIH LOVIŠTA ZA 2026. GODINU
(„Tekući transfer udruženjima od zakupa korištenja sportsko-privrednih lovišta“-
Izvor 30)**

Zenica, juli 2026. godine

I NAZIV PROGRAMA

Program utroška namjenskih sredstava prikupljenih od naknade za zakup sportsko-privrednih lovišta za 2026. godinu-Izvor 30, u razdjelu 23, Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), ekonomski kod 614300 NAC903, pozicija „Tekući transfer udruženjima od zakupa korištenja sportsko-privrednih lovišta“-Izvor 30.

II ZAKONSKI OSNOV ZA PROGRAM

Članom 37.a stav (4) i stav (5) Zakona o lovstvu („Službene novine Federacije BiH“, broj: 4/06, 8/10 i 81/14), propisano je da se godišnja zakupnina za korištenje sportsko-privrednih lovišta uplaćuje u korist Budžeta kantona u iznosu od 60%, u korist Budžeta Federacije Bosne i Hercegovine u iznosu od 20% i u Budžet općine na čijem području se ostvaruje prihod u iznosu od 20%, te da se prikupljena sredstva po osnovu zakupa lovišta koriste za unapređenje lovstva, kao i za druge obaveze propisane Zakonom. Članom 51. stav (2) Zakona o lovstvu definisan je pojam unapređenje lovstva, tako da se unapređivanjem lovstva smatra: zaštita, održavanje i poboljšanje životnih uslova divljači u lovištu (poboljšavanje ispasišta, dodatno hranjenje, održavanje solila i pojilišta), dostizanje i održavanje odgovarajuće spolne i starosne strukture pojedinih vrsta divljači u okviru utvrđenog kapaciteta lovišta, unošenje novih vrsta divljači u lovište, čuvanje i zaštita divljači i lovišta, izgradnja lovno-uzgojnih i lovno-tehničkih objekata, preduzimanje mjera za smanjenje šteta koju počinu divljač, stručno osposobljavanje kadrova, izrada planskih dokumenata, naučno istraživački rad u lovstvu, nabavka rasnih lovačkih pasa i izdavačka djelatnost.

Članom 43. stav (1) i (4) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), propisano je da će se sredstva utvrđena na poziciji „Tekući transferi i drugi tekući rashodi-namjenska sredstva“, koristiti prema programu utroška koji donosi Vlada Kantona, za koje je nadležno ministarstvo nakon donošenja programa utroška, dužno raspisati javni poziv, a u članu 52. stav (1) je utvrđeno da budžetski korisnici predlažu Vladi Kantona program utroška sredstava iz člana 43. Zakona, uz prijedlog odluke kojom se usvaja program.

III SVRHA PROGRAMA

Svrha programa je da Ministarstvo za poljoprivredu, šumarstvo i vodoprivredu zajedno sa korisnicima lovišta-Udruženjima građana/Lovačkim društvima finansira i/ili sufinansira aktivnosti propisane članovima 37.a i 51. Zakona o lovstvu i na taj način doprinose unapređenju lovstva na području Zeničko-dobojskog kantona.

IV VISINA SREDSTAVA

Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), u razdjelu 23, Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614300 NAC 903, pozicija „Tekući transfer udruženjima od zakupa korištenja sportsko-privrednih lovišta“-Izvor 30, planirana su sredstva u iznosu od 38.000,00 KM (slovima: tridesetosamhiljada i 00/100 konvertibilnih maraka).

V IZVORI FINANSIRANJA

Navedena sredstva ostvaruju se u Budžetu Zeničko-dobojskog kantona po osnovu prikupljenih naknada od zakupa za korištenje sportsko-privrednih lovišta na području Zeničko-dobojskog kantona za lovnu 2025/2026. godinu, koja pripadaju Ministarstvu za poljoprivredu, šumarstvo i vodoprivredu u procentu od 60%, iznosa nerealizovanih sredstava iz prethodnog perioda i zakupnine po osnovu godišnjeg plana gospodarenja mrkim medvjedom za lovnu 2025/2026. godinu.

Udruženja građana/Lovačka društva Zeničko-dobojskog kantona u I kvartalu 2026. godine po osnovu godišnje zakupnine za korištenje lovišta za lovnu 2025/2026. godinu i zakupnine po osnovu godišnjeg plana gospodarenja mrkim medvjedom za lovnu 2025/2026. godinu, su izvršila uplatu u ukupnom iznosu od 24.817,84 KM. Lovna godina je period od 1. aprila tekuće godine do 31. marta slijedeće godine.

Prikaz uplata zakupnine za lovnu 2025/2026. godinu po korisnicima lovišta

r/b	Korisnik lovišta	Uplaćeni iznos zakupnine od korištenja lovišta za 2025/2026. godinu 60% u Budžet (KM)	Uplaćeni iznos zakupnine po osnovu plana gospodarenja mrkim medvjedom za lovnu 2025/2026. godinu (KM)
1.	Lovačko društvo „TETRIJEB“, Olovo	1.920,00	1.527,90
2.	Lovačko društvo „ZVIJEZDA“, Vareš	1.896,00	957,00
3.	Lovačko društvo „BREZA“, Breza	270,00	-
4.	Udruženje Lovačko društvo „SRNDAĆ 1920“, Visoko	372,00	778,80
5.	Lovačko društvo „SRNDAĆ KAKANJ“, Kakanj	1.132,20	1.006,50
6.	Udruženje Lovačka organizacija „ZMAJEVAC“, Zenica	2.907,54	1.785,30
7.	Lovačko društvo „JELEČ“ Žepče	2.187,90	-
8.	Udruženje Lovačka organizacija „ORLOVIK“, Žepče	480,00	778,80
9.	Udruženje Lovačka organizacija „KLEK“, Zavidovići	2.280,00	749,10
10.	Lovačko društvo „SOKO“, Maglaj	648,00	-
11.	Udruženje Lovačka organizacija „SRNDAĆ“, Doboj Jug	192,00	-
12.	Lovačko društvo „FAZAN“, Usora	1.420,00	-
13.	Lovačko društvo „KISELJAK“, Tešanj	750,00	778,80
U K U P N O:		16.455,64	8.362,20

VI NAČIN UTROŠKA SREDSTAVA

Sredstva planirana Programom utrošit će se za finansiranje i/ili sufinansiranje projekata prema javnom pozivu za dostavljanje aplikacija korisnika lovišta na području Zeničko-dobojskog kantona i to za:

- Izgradnju lovno-uzgojnih objekata (solila, hranilišta).
- Nabavku hrane za dodatnu prihranu divljači.
- Nabavku tehničkih repelanata radi smanjenja štete od divljači.
- Nabavku hemijskih repelanata radi smanjenja štete od divljači.

VII KRITERIJI ZA DODJELU SREDSTAVA

Kriteriji za dodjelu sredstava su:

- visina uplate zakupa korisnika lovišta (zakupnina za korištenje sportsko-privrednih lovišta za lovnu 2025/2026. godinu, nerealizovana sredstava iz prethodnog perioda i iznos zakupnine na osnovu godišnjeg plana gospodarenja mrkim medvjedom za lovnu 2025/2026. godinu) i
- ocjena značaja realizacije aplikacija korisnika lovišta sa aspekta unapređenja lovstva.

Visina uplate zakupa boduje se na slijedeći način:

Korisniku lovišta koji je u lovnoj 2025/2026. godini uplatio najveći iznos zakupnine, iznos nerealiziranih sredstava iz prethodne godine i iznos po osnovu godišnjeg plana gospodarenja mrkim medvjedom dodjeljuje se 7 (sedam) bodova, 6 (šest) bodova se dodjeljuje korisniku lovišta koji je uplatio neposredno niži iznos zakupnine, niži iznos nerealizovanih sredstava i niži iznos po osnovu godišnjeg plana gospodarenja mrkim medvjedom i tako redom. Korisniku lovišta koji je u lovnoj 2025/2026. godini uplatio najniži iznos zakupnine, iznos nerealizovanih sredstava iz prethodne godine i iznos po osnovu godišnjeg plana gospodarenja mrkim medvjedom za lovnu 2025/2026. godinu dodjeljuje se 1 (jedan) bod.

Značaj realizacije zahtjeva korisnika lovišta boduje se na slijedeći način:

- Izgradnja lovno-uzgojnih objekata:
 - a) solila 10 bodova,
 - b) hranilišta 8 bodova,
- Nabavka hrane za dodatnu prihranu divljači 6 bodova,
- Nabavka tehničkih repelanata radi smanjenja štete od divljači 4 boda,
- Nabavka hemijskih repelanata radi smanjenja štete od divljači 2 boda

KRITERIJI ZA DODJELU SREDSTAVA OD NAKNADE ZA LOVSTVO SA BODOVNOM LISTOM SAČINJENOM NA OSNOVU KRITERIJA										
Naziv korisnika lovišta	Uplaćeni iznos zakupnine za lovnu 2025/2026. godinu	Visina uplaćene zakupnine + nerealizovani iznos iz prethodne godine + iznos zakupnine po osnovu godišnjeg plana gospodarenja mrkim medvjedom	Izgradnja lovno-uzgojnih objekata-solila,	Izgradnja lovno-uzgojnih objekata-hranilišta	Nabavka hrane za dodatnu prihranu divljači	Nabavka tehničkih repelanata radi smanjenja šteta od divljači	Nabavka hemijskih repelanata radi smanjenja šteta od divljači	Ukupan broj bodova	%	UKUPNO
1	2	3	4	5	6	7	8	9	10	11

Ukupan broj bodova (T) koji su dobili podnosioci zahtjeva, boduju se sabiranjem bodova iz kolone 3 (P) i kolone 4, 5, 6, 7 ili 8 (R) odnosno prema slijedećoj formuli: $T = P + R$

Pri čemu je:

T - ukupan broj bodova koje je dobio podnosilac zahtjeva

P - broj bodova iz kolone 3

R - broj bodova iz kolone 4, 5, 6, 7 ili 8

Procenti iz kolone 10 (G) obračunavaju se prema slijedećoj formuli:

$$G = \frac{T}{T_s} \times 100$$

Pri čemu je:

G- Procentualno učešće bodova podnosioca zahtjeva u odnosu na ukupan broj bodova

T - ukupan broj bodova koje je dobio podnosilac zahtjeva

Ts - ukupan broj bodova koje su dobili svi podnosioci zahtjeva

Dodijeljena sredstva iz kolone 11 (D) obračunavaju se prema slijedećoj formuli:

$$D = \frac{G}{100} \times S$$

Pri čemu je

D - visina dodijeljenih sredstava

G- Procentualno učešće bodova podnosioca zahtjeva u odnosu na ukupan broj bodova

S - Sredstva koja su Programom utroška namjenskih sredstava prikupljenih od naknade za zakup sportsko-privrednih lovišta za 2026. godinu, iznosa nerealizovanih sredstava iz prethodnog perioda i iznosa zakupnine na osnovu godišnjeg plana gospodarenja mrkim medvjedom za lovnu 2025/2026. godinu, predviđena kao „Tekući transfer udruženjima od zakupa korištenja sportsko-privrednih lovišta“- Izvor 30, u iznosu od 38.000,000 KM.

Ministar Ministarstva za poljoprivredu, šumarstvo i vodoprivredu Zeničko-dobojskog kantona će imenovati komisiju za utvrđivanje i provođenje javnog poziva.

Ministarstvo za poljoprivredu, šumarstvo i vodoprivredu Zeničko-dobojskog kantona će nakon utvrđene konačne rang liste prema Vladi Zeničko-dobojskog kantona uputiti prijedlog zaključka/odluke o odobravanju sredstava.

VIII IZVJEŠTAJ O UTROŠKU SREDSTAVA

Korisnici doznačenih sredstava dužni su dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava do 31.03.2027. godine. U slučaju da korisnici doznačenih sredstava ne dostave izvještaj o namjenskom utrošku sredstava do ostavljenog roka neće imati pravo aplicirati za dodjelu sredstava u narednoj fiskalnoj godini.

O utrošku namjenskih sredstava po ovom Programu, Ministarstvo za poljoprivredu, šumarstvo i vodoprivredu dužno je polugodišnje izvještavati Vladu Zeničko-dobojskog kantona.

Broj: 02-11-14823/26

Datum, 31.07.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.